

四庫全書

史部

欽定四庫全書

史部

硃批諭旨卷十一上

臣永瑢恭校

編修臣裴謙覆勘

總校官中書臣朱鈐

校對官庶吉士臣張九鐔

謄錄舉人臣楊鸞

欽定四庫全書

硃批諭旨卷十一上

硃批陳時夏奏摺

雍正元年正月二十二日河南開歸道仍帶廣西

道監察御史臣陳時夏謹

奏為恭謝

天恩事竊臣蒙

皇上擢臣河南開歸道仍帶御史銜前往恭聆

聖訓諄切周詳

隆恩異數超逾格外臣雖捐糜頂踵未足仰酬

高厚敢不竭盡愚誠以矢報効於萬一臣於正月十三

日抵開封十四日到任一路訪察地方情形自彰

德衛輝至延津縣河北一帶地畝麥種甚稀道路

男婦乞食者多緣兩年歉收又因去年秋冬雨雪

全無地土乾旱間有種者不過十之二三河以南

種麥者亦止十之四五至本月十三日得雨寸許

十八日得雪尺餘人民歡悅已種者麥漸青長未

種者尚可耕植

臣

前欽承

聖訓早已念及仰見

聖慮周詳惠愛黎元至意

臣

今會同護巡撫印布政使

臣牟欽元設法捐賑但恐未能徧敷可否請

皇上特頒諭旨命撫臣或發倉穀或動帑金賑濟或蠲免被災地畝錢糧則青黃不接之時被災羣黎得以均沾

皇仁之廣被將來西成可望從此獲盈寧之福矣所有

臣入境目矚情形謹具摺奏

聞伏乞

睿鑒謹

奏

此奏甚屬可嘉已有旨矣

雍正元年十一月十三日河南開歸道仍帶廣西

道監察御史臣陳時夏謹

奏為據實陳情仰懇

聖恩事竊查河南省漕糧每歲額徵二十五萬有零除
附近水次州縣徵運本色米一十萬餘石外其餘
各屬額徵米一十五萬有零例係折收銀兩交臣
採買起運今歲以米價昂貴採買維艱經撫臣石
文焯

題請折銀解部而部議以漕運上關

天庾仍令辦運奉

旨依議欽此欽遵行文到臣臣伏查河南連歲荒歉民鮮蓋藏幸蒙

皇上賑濟疊施停徵舊欠閭閻始有起色今秋甫慶豐收民間元氣尚未全復現今米價每石一兩一二三錢不等若採買一十五萬餘石之漕米市價必致益昂恐小民有艱食之虞况辦漕額價每石止六錢五分合之市價多有不敷臣無力賠墊勢必有悞兌運若欲借項湊買則那移虧空將何補苴

隨又詳請撫臣再懇

聖恩而撫臣以奉

旨不準改折不敢復

題仍催辦運但臣苟能勉力圖維寧敢推諉干咎實
以民食艱難辦運無措用敢冒昧直陳伏乞

皇上天恩將此一十五萬漕糧仍折銀解部則全豫生
民盈寧有慶而徵臣獲免咎愆皆我

皇上矜全所賜矣為此具摺請

旨謹

奏

豐收之時以元氣未復而請折漕倘別省皆如此效尤
天庾之需奈何況經張廷樞題此一事之後民心搖惑
若必欲強遂此舉則大負朕用爾之意矣國計民生一
體緊要爾前在京為米價騰貴曾經與議倉中積蓄人
所共知若如此折色天庾少虛關係豈小況爾一介小
臣以巡撫所不敢題之事徑行上奏甚屬恃寵僭越朕

命爾亦得摺奏之意恐或有與國計民生裨益而不得上達委曲掣肘之事故令爾密奏非為爾已身難辦之事以私起見越分妄陳自希便宜而許爾摺奏也若絀國計以徇爾私求此等清官朕何所用之且爾係朕初即位首先簡用之人更當出衆效力方不有負拔擢之恩若如此沽名釣譽惟知自善已身則朕用人錯矣於此處觀爾與石文焯均非為國家盡力之純臣不過便已自私之巧宦耳據奏元氣未復乞免辦運假若天年

歉收又當作何區處書生管蛙之見甚屬不合初次姑予寬宥再若將此等無理之奏冒瀆決不輕恕戒之

雍正四年十月初六日加布政使銜署理江蘇巡

撫印務臣陳時夏謹

奏為奏

聞事竊臣至愚極陋荷蒙

皇上格外隆恩特加超擢復得面奉

聖訓俾臣有所遵循又蒙

賞賜臣母人參貂皮大緞克食更將臣所餘養廉

賞為盤費母子沾

恩寵榮無既惟有舉家感戴

洪慈務竭駑駘以期仰報臣回任後查前道張璨報解
部餉不實并銀匠黃誠信呈報銀匠夏文熊拐銀
逃走等情當即差役嚴緝經臣具

奏在案旋於九月二十六日據原差吳廷標等拏獲
夏文熊并伊兄僕妻妾人等到案隨發天津州分

施

即

擒獲

原屬

可嘉

應給

賞以

示

鼓勵

者

卷十一上

別收禁羈保當即詳報鹽院其兵役人等各賞銀

兩以示鼓勵至臣任內共收過正雜錢糧一十九

萬一千三百二十二兩零除解支兵餉俸銀外實

存庫銀七萬六千八百九十二兩零又前道張璨

所存庫銀內除奉文撥解營工外實存庫銀二萬

八千一百六十一兩零業經臣分造清冊已送鹽

院查核再臣回任後續收養廉銀并清歸各項餘

銀共計銀三千三百餘兩俱封貯庫內聽候

勅撥河工之用今將印信

勅諭交送鹽臣收貯臣於十月初六日赴蘓到任謹具

摺奏

聞伏乞

皇上睿鑒謹

奏

所奏知道了

敬陳管見一摺留中諭行

同日又

奏為遵例請革供應鋪陳什物以免商累事竊臣莅長蘆任時見有鋪墊擺設被褥桌椅器皿等項詢知皆係衆商買備查

新例內開凡文武衙門所置器皿等物造冊交與接任官員等語通行遵照在案則運使衙門亦應照例遵行臣當將鋪陳被褥等物發給衆商變價二百兩桌椅鍋碗等物皆係需用之物隨令開明價

值計銀二百兩臣照數捐出連鋪陳變價共銀四百兩均貯在庫抵作雍正三年秋冬帶徵引課雖省銀無幾然除此積習相沿之弊亦可有裨於將來今臣起程赴蘓所有家伙什物等項逐一造冊交與新任查收如新道任內有置添什物遞造入冊交與接任如此照例遵行庶免衆商備辦供應之累臣恐日久廢弛用敢冒昧陳

奏伏乞

皇上勅部議覆施行謹

奏

正所謂毋以善小而不為也應如是

雍正四年十一月二十日加布政使銜署理江蘇
巡撫印務臣陳時夏謹

奏為奏

聞事竊臣蒙

聖恩加銜署理江蘇巡撫重任除將到任日期

題報外於雍正四年十月初六日自天津起程二十

六日入宿遷江南境接印任事經臣

題報在案十一月初一日抵揚州臣見淮陽一帶河
渠水滿低田多有被淹自鎮江以至蘓常等處地
勢愈下低田被災業經署督臣范時繹將江寧等
二十九縣衛水災具

題查勘在案臣到任後現在確查分數據實具

題蓋因八月至九月陰雨連綿至今晴雨不時查高

鄉田畝雖有收成緣場地未乾所收稻穀不能晒
燥難以磬米交糧水漬田間又不能耕鋤種麥各
縣開倉徵漕完納者少必得晴朗半月乃能有米
輸漕但較往年未免稍遲恐不能副冬兌冬開之
限且於稻花開放之時天多陰雨穀不堅實以致
磬出之米頗多細碎是以督臣有紅白兼收之請
百姓稱便臣察江南高阜之鄉收成尚有七八分
但高低相半收穫不齊小民素沐

皇上洪恩愛養具呈懇請緩徵一半臣現在駁查加之
此奏甚屬可嘉自另有諭旨
勸諭未敢據以奏

聞至一應地方吏治事宜容臣漸次體察另行密陳謹
奏

已實授爾為江蘓巡撫矣竭力勉為之以副朕委任之
意

同日又

奏為請

旨事臣接准部文奉

旨毛德琦曾經陳時夏奏請帶往江蘓之人看來人甚
老成去得李維鈞奏請調簡大錯矣著調鎮江府知
府欽此仰見我

皇上用人至公至明毛德琦身受

殊恩自當倍加感激報効臣亦得收臂指之用為此叩

謝

毛德琦實好亦不因爾之薦也
隆恩再臣於

陞見之時請

旨允臣帶來酌量題補之候補同知金文宗候補知縣
蔡益仁臣素知其誠謹無欺能任勞苦今松江府
海防同知一缺有督捕緝盜之責兼有監修海塘
工程事務需員料理蘓州府屬之吳縣一缺係省
會首邑又值料理漕務之時必須能吏方能勝任
請以金文宗補授松江府同知蔡益仁補授吳縣
知縣均屬人地相宜於公事有益除恭疏具題請

旨定奪外臣吳縣已補授有人矣題到白另有旨先將二員委署料理為此謹

奏

覽

雍正四年十二月初四日加布政使銜署理江蘓

巡撫印務臣陳時夏謹

奏為據實奏

聞仰祈

睿鑒事竊臣查江蘓等屬秋間雨水過多低處田禾致

被淹沒據勘原報續報成災共三十八州縣衛業
經查明分數陸續

題報在案惟是時當冬季正辦漕兌運之候而自十
月至今雨多晴少有禾稻在田零星未刈者有既
刈而不能築場晒穀者以致礮米完糧稽遲時日
查各屬報完漕米寥寥無幾臣經屢次嚴催以副
兌限而各屬詳據里民呈稟咸稱今歲陰雨過多
秋禾被損又值鄰省州縣亦有被災之處購買米

石殊屬艱難惟冀

聖主天恩准將災田漕米照雍正元年二年之例緩徵
一半俟來年帶徵搭運并求稍寬兌限以便設法
輸完臣念小民望

恩固切而漕儲重務

國計攸關未便延誤隨嚴行批駁并示諭里民上緊
完漕去後而各屬百姓哀籲情迫實非怠玩可否
仰邀

朕已有旨着將被災五分特旨將成災田地緩徵一半漕糧俟來歲搭運其餘現
矣至於現徵漕米若寬假兩月則明年抵通必遲回空
糧艘有守凍之苦於公私均屬不便此議不可行
皇上特恩臣不敢欺飾於

聖主之前亦不敢邀譽於百姓之口也又安慶撫臣魏
廷珍勘災疏內有將新舊錢糧概懇

聖恩暫緩俟明年麥熟開徵江蘓小民亦冀一體邀
恩紛紛具呈臣未敢冒昧題

奏但念窮黎被災之後輸納實屬艱難應否將被災

田地新舊錢糧暫與緩徵仰祈

皇上特頒

諭旨則億萬生民益戴

皇仁於無極矣抑臣更有請者近奉

諭旨將江安二屬漕糧截留十萬石改收穀二十萬石

運貯閩省臣查下江所屬應分派運穀十二萬石

現在飭行徵收備運但江蘓稻穀因陰雨過多不

甚堅實一經舂碓必多折耗不敷二穀一米之數

據奏運米可省一半運費又免折耗則改運穀為運米
況查從前海運赴閩米石一切僱船運脚需費甚
重臣愚以為不若竟運米石赴閩則運費可省一
亦可若江省現今米穀缺少閩省果大有收成則停止
半且無春米折耗之虞閩省今年大有收成可以
不運亦可總在爾斟酌安確如可不必運往具本題奏
將運去之米即發本處易穀貯倉似為兩便是否

有當仰祈

睿裁特頒

諭旨遵行再查吳地風俗澆漓竊刦頻聞臣甫到任即
遵

旨嚴行保甲多設柵欄禁戢夜行勤加巡緝良民守分
便於良民而不便於無賴之徒此正封疆大吏裨益地
方之善政何懼人言之有
輒興謗語以為未便臣為

朝廷辦事不邀虛譽何懼人言現在嚴飭各屬實力
奉行理合一併奏

聞伏乞

皇上睿鑒謹

奏

江蘇所屬州縣被水歉收處據范時繹奏到朕已特差羅其昌等前往清查倉糧截留漕米會商酌動以濟民食并令動支庫項委員於米多隣省地方採買以備賑糶又將捐納貢監之例令其改為米穀減數交納有此數事諒小民可不至於窘迫矣汝當隨宜相機悉心料理盡力籌畫有應奏應行之事即行奏請凡督撫辦事固宜慎重然亦不可過於拘謹於事無益也至如汝所請緩徵一事不過止求寬限兩月此在汝酌其緩急不

加嚴催稍紓民力可耳何必特請頒諭由此一事汝可類推也

同日又

奏為請

旨事竊臣於

陛辭之日

奏明原任山西霍州知州陳士炯請

旨帶往江南量才委用蒙

聖諭朕一時不甚記憶想此人年已老矣臣欽承

諭旨查陳士炯由雲南定遠縣知縣卓異陞授山西朔
州知州調任霍州康熙五十九年在西寧軍前効
力運米到藏咨部議叙六十一年在巴爾庫爾効
力三年復回晉省經前任山西撫臣

題叅虧空部議解任限一年全完於雍正三年山西
撫臣伊都立以陳士炯虧空銀兩俱經賠補全完
題請開復給咨赴部引

見奉

旨陳士炯著以原品休致等因欽遵在案查陳士炯年
五十一歲臣見其強幹明白是以冒昧帶來今查
明履歷理合覆

奏仰邀

聖恩可否允臣將陳士炯送部引

見臣未敢擅便伏候

諭旨遵行謹

奏

大約不准開復者其人未必甚優但人材難得朕或忽於一時亦未可定爾將緣由聲明咨部可也

同日又

奏為據實奏

聞事竊臣欽遵

諭旨查得揚州府知府呂大雲年少有才但其居心操守臣未能深信因揚關稅務兼管乏人適呂大雲

若能如此則誠可用矣但恐未必此人須留心試用以公務來蘓臣觀其辦事明白語言爽直願為朝廷出力報効似屬立志向上之人臣即將揚州關

稅委其就近管理策其後效臣仍密行察訪如果實心辦事另行

題奏近查常州府屬之武進縣知縣郭朝弼虧空錢糧業經

題叅在案署理之人必得幹練之員方克勝任臣於
陛見時請

旨允臣帶來題補之人已將候補同知金文宗委署松

江府同知候補知縣蔡益仁委署吳縣知縣現經

已有旨矣

題補在案尚有北城兵馬司吏目季咸寧蒙

聖恩准以知縣補用其人老成歷練操守清白堪膺武

邑之任臣經先委署理另疏具

具

題到日有旨

題昨恭蒙

皇上發出孔尚鑑朱爾介二員到臣奉

旨揀補嘉定縣缺臣查二員均屬精明練達之材但孔

尚鑑係蘓松巡道孔毓璞之族姪孫嘉定現隸蘓州例應迴避其朱爾介已丁父憂臣思人材難得

可否將朱爾介

具

本題奏可也

題留嘉定縣俾其治喪完畢赴任則要地得人出自

皇上格外隆恩也查鎮江府屬之金壇縣知縣王廷枚

好

他

省督撫如此題改者甚多即行具題改補

進士出身書生謹愿無吏治之才若列之溺職殊

屬可憫應否以教職補用其金壇地方俗悍民頑

可

必得明敏歷練之員方克勝任擬以孔尚鑑補授

必得明敏歷練之員方克勝任擬以孔尚鑑補授

金壇縣缺合先摺

奏另行具

題又蘓州府屬之震澤縣知縣彭鎔年老糊塗難膺
斯任現今察其有無虧空以便

題叅臣見震澤縣縣丞鄭金明白謹慎年富有才若
即以補授震澤縣缺於公事有益臣以地方得人
為重另行具疏奏

好

聞臣查江南州縣勤慎稱職者固多而因循疲玩者亦

應如提雖無貪賊懷法處若辦事關茸之員姑留無益復不少因各員有無虧空居官優劣之處訪聞尚當去者黜之天下豈乏可用之材全賴爾等封疆大吏有不符容臣密加查察得實漸次奏聞再江蘇公事繁冗因部議裁去同知通判六員是以

督運解銅辦差委署等公事往往乏人仰懇

天恩將記名人員內揀發同知通判知縣各三員來蘇此事具題到日再看辦差委用俟著有勤勞量缺

題補似有裨於公事臣謹冒昧請

旨伏乞

皇上睿鑒施行謹

奏

覽

雍正五年正月初十日蘓州巡撫臣陳時夏謹

奏為恭謝

天恩事竊臣於雍正四年十二月二十六日接准部文

內閣奉

旨陳時夏著實授蘓州巡撫欽此臣隨恭設香案望

闕叩頭謝

恩訖伏念臣駑鈍庸材一無知識蒙

皇上不次擢用俾署蘓州巡撫印務到任未幾涓埃莫

報復蒙

特旨將臣實授聞

命之下感激惶悚惟是受

恩深重報稱彌難雖竭盡愚誠益加奮勉恐智識短淺

不能仰答

聖恩於萬一仰祈

皇上俯鑒

臣愚

恩賜時加訓誨俾臣得以恪遵奉行或免隕越則臣始
終皆仰荷

聖主成全造就之恩矣除俟開印後具題謝

恩外合先繕摺恭謝

天恩謹

奏

但不務虛名懋勉實政爾可成一大人物若一涉詐偽則為國家之蠱蠹也朕豈肯姑容勉之慎之如裴率度鄭任鑰皆已敗露成何局面與科甲斯文一道寧稍有補益乎誠為朕之所不解切毋謂功名今已到手縱改志易行上春如是未必即有所更移也元首股肱一德一心之理時刻不可去諸懷抱勉為之

同日又

奏為黃河澄清敬伸慶

賀事欽惟我

皇上

至德覃敷

仁心丕冒

神功聖治亶千古之精微敬

天勤民垂萬代之法守是以

天心感應河嶽呈祥竊照雍正五年正月初三日據署淮

揚道劉之頊稟稱黃河上自虞城下至邳州於十

二月十六日澄清宿虹一帶上自邳睢下至古城
又桃源所屬一帶黃河俱於十七日澄清上下並
無濁流與湖水無異直至二十三等日尚係澄
清士民無不稱瑞實係千古奇逢等情到臣除飭
行該地方官將此後澄清月日另報到日再行具
奏外伏查史冊黃河澄清為昇平上瑞然從未有綿
亘六百餘里澄清閱七八日如

今日之盛者也

臣恭逢

盛世欣睹

嘉祥倍深

雲日之瞻依彌識

天人之協應容俟開印後恭疏

題賀外臣謹具摺奏

聞謹

奏

由龍門底柱起至古城桃源已二千餘里自十二月初

九日清至正月初八日張元懷奏到時已將閱月而豫省黃河尚無濁流豈止六百里七八日而已哉朕蒙皇考福蔭

上蒼昭示此希有之祥悚懼敬惕之心實筆不能喻已頒有諭旨爾行即得知也

同日又

奏為敬陳管見仰祈

睿鑒事竊查鎮江府京口旗營兵米歲需八萬餘石向

來派撥附近州縣運米放給自康熙二十五年經
前總漕臣徐旭齡

題准將鎮江漕糧截留抵給嗣因法久弊生是以前
署撫臣何天培

題請將鎮江漕糧仍舊起運而部議將所需旗營兵
米每石折銀一兩二錢於司庫動給但鎮江居民
繁庶產米有限若將本地漕糧盡數起解再令各
兵買米是一運一買計需米一十五六萬石米價

豐年

必至昂貴民食維艱况每石一兩二錢之價豐年

價必有餘

歉歲原有旨許伊題請加增

可以採買如遇歉歲則給價不敷兵又難免苦累

以臣管見不若仍照舊例將鎮江府丹徒縣漕糧

截留抵給京口旗營兵米再有不敷以丹陽金壇

之米撥湊則兵有儲蓄之糧民有蓋藏之慶而運

漕諸費又可節省臣為地方兵糧起見冒昧陳

此

事不宜更張甫經該部議定行未三二載又復改易

奏是否可行伏乞

成何國體漕糧運京愈多愈善兼且備各省截留之用

皇上特頒諭旨以便遵行至江省素稱澤國而去歲雨

係極有益之事何必又多一番舉動耶諸如此等摺奏
密之一字最為緊要少不密為害不淺

諭有田業戶疏渠修岸以備蓄洩但田間溝洫民
力可為若不溯其源流終無利濟如蘇松之太湖
吳淞江白茆河劉河等處俱為江海要路而年久
淤塞致內地之水無從宣洩是以積水難消臣愚
以為江南地勢水利尤急必得動

帑興修約計十餘萬金可以足用若再循照直隸營
田水利條議之法鼓舞効力或尚可以減費而水

利既治田野攸賴江省億萬生民當永戴

聖朝愷澤矣其應行疏浚地方及作何治理之處現在
此事朕知之最悉因事關重大且未得其人所以留為
緩圖今覽汝奏利濟攸關事在緊急而所需不多何可
奏請

旨遵行又臣到任後訪有地方光棍周奕文等七人俱
再遲但非汝地方數員所能承辦之工已另有旨矣

係積蠹窩盜奸徒貽害小民屢經犯法漏網臣今

確訪密拏俟開印後嚴究按法處治合併奏
能如此振刷朕復何憂耶但朕非偏尚嚴刻之主須深
聞嗣後凡有所見所聞必逐一據實密

知朕之存心方可行此等事勉之
奏斷不敢少有欺飾有辜

聖主天恩也謹

奏

朕並無沽名示惠與爾等大臣爭譽之心也即如此水利一條事在可行朕斷不湮沒爾之好處諭旨發出時爾自當知悉也若將不可行之事先露意市恩於人至不能行時令歸怨於朕朕深惡者此也所以云一切未定未行之奏密字甚有關係不然面是背非大失一德

同心之理矣自漢唐以來君臣之大道漸泯殊可嘆息
再者閱爾所開米價單價值殊覺過昂當青黃不接之
時須加意籌畫也

雍正五年正月二十八日蘓州巡撫臣陳時夏謹
奏為奏

聞事竊查江蘓有額設省塢黃快船一項共計九十四
隻以備裝送

龍衣竹木及進京一應勘合差使之用每船三年准修

一次三修之後倘係朽壞即行拆造乃今歷任相沿修船工料銀兩逐歲支銷而船隻竟置不問查有朽壞不能應差者十二隻片板無存缺額未造者三十隻今據新任驛道張暲樞詳報前來臣查船政廢弛冒銷

國帑陞任道員楊紹雖在任未久皆係驛道徐克祺任內之事而通同接受匿不報明殊屬不合臣正擬

題叅茲據楊紹呈稱已經辦料情願賠修補造自限
閏三月內完工臣現在嚴催臨期倘有遲延臣即
題叅追補再查省塢尚有沙便宣樓等船係督臣經
管亦有朽壞不堪者楊紹亦經認賠修造合併奏

聞謹

奏

朕觀楊紹可成一人物朕正怪伊至今為何未赴新任
此人何得有如此欺隱之事如許船隻伊有力賠修耶

其中必有多人畏罪協助料理者可密密訪查的確隨便奏聞至所缺船隻既情願賠補足數便悞遲期限亦宜少為從容何必叅破耶如有意諉延朦混則不可姑容耳

同日又

奏為請

旨事竊臣前

奏原任山西霍州知州陳士炯履歷緣由一摺奉到

硃批仰見我

皇上慎重名器愛惜人材之至意但陳士烱於雍正四

年十二月二十五日聞訃已丁母憂臣既欽承

諭旨應否仍將陳士烱歷任緣由并丁憂情節聲明咨

部臣未敢擅便謹具摺請

旨遵行謹

奏

陳士烱人尚明白猶屬可用朕已記憶前非為其庸劣

而不准開復也因係諾岷叅處之員伊都立接任代為
奏其冤抑并補完虧空之處題請開復朕一者恐啟鑽
營之路二者不喜伊都立之自市私恩而歸怨於諾岷
也爾於咨部文內自應將情節聲明并寬與月日令陳
士炯得以料理伊母葬事畢再行赴部可也

類汝等科甲出身之大員不可勝數如楊名時李紱魏
廷珍鄭任鑰汪澄陳世倌并旗下舉人如張楷之庸流
皆為同年故舊老師門生之牽扯爭相偏袒姑容以沽

名釣譽遂至欺隱朦蔽貽悞國計民生種種悉皆敗露
似此奈何此風不息將來斯文掃地矣既頂儒冠當持
名教朕近日每每訓誡勸導在廷諸臣諒汝亦已聞知
當竭力挽回陋習不但為卿一身一家之福實係朕與
國家蒼生之福也勉之勉之

同日又

奏為據實密陳事竊查採辦銅斤一案原係八省承
辦舊案雖偶有遲延叅後即能完補自康熙六十

一年歸併江浙二省之後以江蘓一省而辦五省之銅則有蘓州府同知趙光謨拖欠銅三百三十七萬餘斤之案嗣又

題減二省以江蘓一省而辦三省之銅則有蘓州府知府蔡永清拖欠銅一百一十六萬三千餘斤之案至雍正四年則係蘓州府知府溫而遜承辦現今不能依限辦解前撫臣張楷題請寬限未蒙

俞允臣業經

題叅在案現在勒令欠銅各員并辦銅各商等定限設法補完但目今辦銅若復仍循舊轍則歷年愈久積欠愈多殆無完清之日以臣臆見莫若仍循舊制八省承辦江蘓止辦本省之銅將兼辦二省之銅仍歸該省自辦計每省辦銅止五十五萬四千餘斤數減職專易於辦解自可逐年清完不致懸欠矣謹具摺恭

奏請

旨遵行謹

奏

所奏雖屬得理似近推卸當日歸併必有情由也又有人言原係江蘓謀辦之事朕思或未必然今汝欲請仍歸各該省具本題奏候朕酌定

同日又

奏為遵

旨酌議奏明仰祈

睿鑒事竊去歲江南陰雨連綿收穫甚遲臣具摺奏

聞奉到

硃批仰見我

皇上恩育蒼生至周至渥百姓歡呼頂戴咸知漕糴緊
務踴躍願輸但因稻穀受雨罄出之米猶帶潮濕
是以不敢急催及至歲底新正米色乾潔完漕之

民日夜擁擠上倉計日便可收足且收且免催趲
既可不误回空之期當將逾限情由題明以免屬員處
開幫又逢三春閏月仍可依限抵通不致有悞回

分

空以上厓

聖慮也至奉

旨運穀赴閩一案臣以稻穀多不堅實具摺

奏請易米運貯奉到

硃批命臣斟酌妥確竊查江省因去年被水歉收出米

實少而福建一省除漳泉二府被災外其餘皆屬
有秋江南米穀似可不必運送但閩省係海疆重
地雖云歲稔而山多田少且有漳泉二府屬被災

之處臣訪得閩省米價每石至一兩八錢現在福建督臣動銀委員各處買米諒亦需米孔殷江南

如此方不屬歉收已蒙

聖主緩徵災田一半漕糧又動

先因爾奏稱閩省除漳泉二府外其餘盡皆有秋所以

有前諭後閱高其倬繼奏光景需米甚殷所以又復改

諭已命該部飭行矣爾此料理甚屬得中其留本地平

皇上稠疊隆恩民生可以無虞竊思江閩雖屬隔省而

糶米五萬石當一併協濟閩省為是

率土之濱莫非

朝廷赤子自宜彼此兼顧臣謹酌議請將江安二屬截留漕米十萬石將五萬石運赴閩省其餘五萬石留為本地平糶之用又臣昨具摺

奏江南水利急宜興修倘蒙

聖恩俞允則江省億萬生民感沐

洪恩於無既矣惟所需用約計十餘萬金臣前摺

奏照營田水利開捐可以不動帑金但江南近奉

恩旨已開捐穀事例似難重複臣意中另有設法料理

之處可以濟用有餘附具密摺伏冀

睿裁至疏浚治理之法臣知蘓松巡道孔毓璞熟悉水道源流堪資辦理現在送部引

見倘其人材果堪任用伏懇

知道了但聞此人少覺粗率

聖恩仍准發回原任以便委辦水利臣又籌疏濬海口

已備細降旨矣

應用佐貳能員辦料監督而承辦大員似非一人

所能勝任臣查陞任武昌道趙宏本歷任江南地

利情形久經熟練再懇

何省不需人員此請不可
天恩將趙宏本准以陞銜暫留江省同孔毓璞分任料

理俟水利告竣再行赴任則臣得收指臂之效工

程易於辦理矣為此具摺奏

聞伏乞

睿鑒謹

奏

覽

雍正五年二月十七日蘇州巡撫臣陳時夏謹

奏查有揚州府江都縣鹽商黃光德者家擁厚貲為富不仁父子兄弟一門淫邪乖倫背理聞

聖祖仁皇帝時曾發

內帑借給各商光德領銀四十萬兩至今未繳但臣
此人候朕交部察明再定若並無過犯祇因風聞無據
在外無案可稽未知確實乞
之事遂爾議罪罰懲斷乎不可
皇上飭查檔案虛實立明矣又革職員外郎鄭玉珩者

積貲甚富蓋造花園威逼致死匠作邱羲二臣現
鄭玉珩既干命案況因蓋造花園以致威逼人命自應
今奉

照例題參後或本罪情願捐修水利折贖亦應
旨提審在案此二人者縱惡恣淫上干
具本題奏候朕酌奪
國法我

皇上大沛洪仁動

帑金數百萬廣興水利以育民生計今江省興修所
需不過十餘萬金之數此輩貲財堪以協資濟辦
以成巨工伏冀

聖裁謹

奏

覽

雍正五年三月十七日蘇州巡撫臣陳時夏謹

奏為敬陳芻蕘仰祈

睿鑒事竊查錢糧耗羨一項留於下則糜費不足歸於

山西

公則謹節有餘臣請將江南一省錢糧照北直河

舉似

南之例將正耗統解布政司量縣之大小分上中

刻此

下三等酌扣養廉之資以敷用度但江南財賦之

邦凡錢糧多之州縣未免需費加倍而日用物價

即今三省朕亦不言其是與非他省朕亦不強其效法
而行也此一事若督撫公正原係極好之事如少不
地方一應公事統歸布政司料理動用耗銀給發
受則大有未便各省督撫諸臣非自信無私任怨力
者不敢銷如此則各屬既無公捐賠墊及禮節饋送之
諭也需亦以杜親朋交接應酬之浮費自各礪廉隅而

鑽刺彌縫之弊不除自絕矣至督撫以及司道府
佐貳等員俱各給以養廉通計支用若干應存若

干統於歲底

此事只可密奏候朕裁酌

奏明留存司庫以充公用將見大法小廉官箴清肅

嗣後虧空之弊可以永杜矣再查禁用銅器奉

旨通行於三年之內盡行毀賣臣以為收買已成之銅

器須嚴禁造賣銅器之人除鑼鍋等物為軍需所

必用不在禁內仍許鑄賣外其餘一切銅器并有

黃銅

之禁原恐銷燬者應請

諭省

府禁用銅器亦不過姑試行之恐遽行苛禁致滋

旨嚴

行禁絕民間日用器物當以白銅或鐵為之臣籍

紛擾

俟行之有效漸次廣之之意耳汝所屬地方果力

可適

行各州縣不致擾累汝試行看朕意且從容一步

成黃銅是以欲禁黃銅應并禁紅銅今各處紅銅

為是

器物甚多請一併收買令各州縣設一收銅之局

委佐貳官專司其事照時值給發官價收買責令

漸次

實力奉行禁之必嚴收之必盡務在三年限內不

試行奏聞

令民間尚有用銅器者致滋地棍索詐擾累臣仰

體

皇上裕泉源以利民用之至意不避瑣屑冒昧具

奏伏乞

睿鑒施行謹

奏

覽

同日又

奏為據實奏明仰祈

睿鑒事竊照去秋江南雨水過多收成歉薄仰蒙

皇上軫恤民艱加恩賑濟又蒙發帑買米平糶開捐以

裕倉儲小民頂戴

洪恩謳歌載道恭值

欽差來南確查江安糧道存貯還漕米石并淮安府分
貯漕米會同臣等商酌分別留運平糶以濟民食
臣等確查江安糧道收捐漕米二萬八千五百餘
石實貯在倉并盤出備折耗米共計米二萬九千
六百餘石又淮安府康熙五十八年截留江廣漕
米五萬石除賑用銷耗實存剩米一百三十石零亦
經盤量足數惟從前凡有留漕米石俱當清查臣
查康熙五十三年截留江廣存貯江蘓淮并本地

漕米通共三十萬石除從前賑用報銷并上元等縣參案內虧空米石現在查追外仍應存米八千七百餘石因折耗無存經前撫臣吳存禮

題請銷耗部議不准延今十有餘年尚未補完其餘

倉儲

一事所關甚鉅極當嚴查目今直隸江西湖廣俱

皆清

楚矣爾等亦宜徹底清查設法預備

當據實

題參著落追補臣又通查各屬常平倉積貯米穀及

陞任布政司鄂爾泰買貯米石并積穀等項除從

前已經動賑外其現存各屬米共三萬八千餘石
穀麥雜糧共七萬八千餘石現在動用賑粥俟賑
過若干報銷此外尚有各縣社倉義倉所存米穀
容臣備細查明另具題

好

奏又奉

恩旨動帑買米平糶臣已欽遵委員赴江西湖廣採買
備糶惟去冬陰雨低田積水難消春麥不能及時
播種江蘇常等處民田未種麥者十居三四誠恐

將來米價愈貴今擬將各屬所存米石并採買之
米酌量縣之大小分別撥貯可敷平糶之用至開
捐貢監之例目下赴捐甚少惟當收存以備倉儲
合將通查江蘇存貯米穀數目據實奏

聞伏乞

皇上睿鑒謹

奏

覽

爾前奏商人黃光德借帑一事朕已諭部密查據覆奏云此項皆已還清矣此事既虛其他亦未必實似此等身家殷實之富戶被人誣捏陷害須當詳察毋令枉屈大約富家未免過於奢靡遊蕩與世道風俗不無關礙然未干國法亦豈可無故苛求惟當徐徐勸導不宜遽加以法致滋物議從來貧之嫉富賤之妬貴乃小人之常情斷不可墮入此輩局中審之

雍正五年閏三月初七日蘓州巡撫臣陳時夏謹

奏為請定吏胥役滿考職酌捐銀兩免其赴考之法
以收實效以廣

聖恩仰祈

睿鑒事竊照定例各衙門吏攢歷事五年役滿情願捐
納者捐銀選職其無力捐納者俱令赴部考試等
因欽遵在案惟查直隸山西山東河南等省各衙
門吏攢役滿赴京考試計程甚邇路費無多間有
親身赴考之人其餘路遠各省無力捐納者每多

託人代考即有包攬之徒騙取銀錢作奸犯科之輩捏造假照種種弊端不惟誤若輩之功名且有虛

朝廷加惠吏胥之至意臣思吏員本屬寒微是以捐職者甚少而親考則力有不能代考則上干

國法致終身不得一命之榮臣請嗣後各省衙門役滿吏攢情願赴部考職者聽其親身赴考外其有不能親赴者各照品級酌半捐考該州縣收貯出

給實收詳司轉報臣咨明戶部移咨吏部出給職
銜執照免其赴考其所捐銀兩州縣官收貯彙解
布政司委員解交戶部查收留撥公用至應給執
照仍令吏部移發臣衙門飭司轉發給領如此庶
各省役滿吏攢均沐

聖恩廣大而有進身之階矣如果臣言可採伏乞

皇上將臣姓名裁去

特諭吏部議覆施行謹

奏

此奏係為國家用人公事並非沽譽市恩之舉何必隱匿姓名具題聽候部議可也

同日又

奏為密奏事臣前奏商人黃光德之事伏讀

硃批諭旨仰見我

皇上至德如天至明如日臣查黃光德一案緣伊子貢生黃履暹起造園亭蓄養戲子濫交匪類經伊父

此係富家子弟通病黃光德以家法處之可笑非比別

案刑名不必過於追求恐小人從中搆弄徒滋紛擾朕

賴趙五揚言履遲以賄免其毆父毆師并毆伊師

意當且料理正事似此不急之務徐徐整飭未晚

之子又有史取善者從旁首告復有賈崑刊刻匿

名揭帖內有行賄滅案之語經江都前令審查毆

朕觀此事罪在王國璫趙五等弊端蓋因嫉富而起不

可踵張楷之昏迷故轍張楷業將貢生黃履遲并案內要犯衿監等咨革

現行研訊務得實情另容密奏請

旨定奪又臣會勘興修水利見太倉州知州王溯維性

情暴躁辦事疎忽且訪聞該知州考試武童查出
王溯維雖失之過嚴武童等亦屬不法之極究審明白
冒領試卷之人立將本童徐堯章重責枷示越二
必將數人正法方儆刀風若於此案即將王溯維參革
恐刁風滋長如審出冒領試卷情弊果真則徐堯章不
為無罪枷示原屬理當何必遽將王溯維糾參耶
查拏為首棍徒并究訊致斃確情似此酷刑暴戾
之員誠難容於民上臣另具

題叅外合先密奏上

聞謹

奏

覽

雍正五年四月十一日蘓州巡撫

臣陳時夏謹

奏為欽奉

上諭事竊

臣

題叅太倉州知州王溯維一案奉有

硃批諭旨臣伏讀之下不勝悚惶臣查王溯維平日居

官嚴刑酷罰民間有王老虎之號兼聞其有貪跡

臣恐傳言不實正在訪查適有枷責童生閏閏拆

門一事臣一面嚴行按察司查拏務獲不法棍徒
按律究擬一面委員驗訊實係枷責致死臣以冒
領試卷小事何致重刑斃命其平時之酷虐可知
臣因據情

題叅但不俟審明枷責是否理當即行

題叅之處實係臣之愚昧仰蒙

皇上訓誨明切臣益增感激悔懼難安嗣後惟愈加謹
慎小心以仰報

聖主教訓之

洪恩耳謹

奏

王潮維前經鄂爾泰甚稱其不畏強梁遇事不肯瞻顧
引見時朕亦親見其人應對甚屬明白恐爾惑於人言
或奸詐機巧之輩撥弄是非均未可定故有前諭蓋恐
悞棄一實心任事之員致令踴躍辦公者皆觀望不前
也朕亟欲振刷因循自便之惡習此等勇於辦事之員

若察其情有可恕處仍當保全之假若此人惟知實心
任事別無情故偶有過悞而上司遂越格保護之孰不
觀感而奮勉耶取捨之間吏治隆替攸關可不留意乎
諸如此等人員遇此等事凡為大吏者要當用一番深
心料理也

同日又

奏為陳明河工海塘情形仰祈

睿鑒事欽惟我

皇上恩周庶類念切民瘼

特發帑金興修水利目今先濬婁江工程已有六分計

日可以告竣已動發司庫銀二萬兩業經具

題在案臣會同副都統臣李淑德等逐一查勘應濬

幹河建閘之處亦經會疏具

題百姓感頌

皇恩紛紛具呈凡係支河汊港以通農船出入灌漑田

凡此皆卿力勸導所致然民力寬裕即為國帑之源流疇者公議田主出工佃戶出力情願自行開濬不

只可聽其自然切毋強之使然朕既為此舉費數十萬

煩上費

金錢收數百萬赤子之心孰輕孰重耶如果發於百姓

國帑似此輿情踴躍皆我

情願亦係好事

皇上仁恩所感似應俯從民便者也理合奏

聞臣赴松江查勘海塘工程現築滄缺至東灣計一千

七十餘丈實當海潮衝要最為險工其塘砌石十

一層計高一丈五尺堅固整齊臣於築基處所查

勘根底密釘木椿十分堅實誠為永遠不壞之基

離塘開運料小河一道取土以幫塘脚兼得灌溉

田禾百姓稱便目今分築金山嘴西段工程俟完
竣後再行分築周公墩等處合將勘過築完潦缺
至東灣一帶情形繕摺奏

聞謹

奏

欣悅覽之

同日又

奏為密奏事臣前摺

奏江蘓黃快船朽壞缺額共四十二隻係陞任驛道
楊紹賠修聞有楊紹至親幫銀一萬兩今查知楊
紹親家係候選同知江國綬江南六合縣人先送
到銀五千兩據驛道張暲樞申稱陞道移過銀八
千八百兩現有家人在省料理船工已有五分蒙
聖主寬大之恩奉有

硃批既情願賠修便悞遲限期亦宜少為從容何必叅
好若至期不能竣工則不可姑容也
破欽此臣現在嚴催大約夏秋之間可以報竣另具

奏

聞又臣衙門舊有例規等項臣訪查布政司衙門除節禮不送外一年應繳規禮視解司錢糧之多寡或一萬二千兩至少亦八千兩不等臣到任半年至今止開送銀二千兩臣詰其款項則云一總在內臣知漆紹文為人不實又在離任之時更無實言臣以此項非比公事未便急於查催今新任布政司張坦麟於本月初八日到任諸凡查察料理臣

愚昧無知仰蒙

皇上隆恩惟以實心實言陳於

聖主之前不敢有一字之欺飾也謹

奏

君臣一體當一德同心百凡照此毫不隱蔽朕實嘉之
張坦麟自然較漆紹文為優但不料漆紹文忍如此負
朕也所以天下事莫難於用人一節

同日又

奏為奏

聞事竊查江省雨澤應時二麥茂發但低田積水難消
未能種麥是以收成不等今查江寧楊州松江三
府屬俱五六分蘄州府屬六七分常州府屬五分
鎮江淮安二府屬俱七分太倉州屬七分通州徐
州邳州海州七八分不等至前奉

諭旨運閩米十萬石謹遵

旨照數發運自今春以來福省督臣二次遣員到蘄買

米一萬一千餘石麥九千石外有商販等六次共計買米二萬餘石皆由閩省督撫給咨來蘓接買江廣之米逐次運回以資接濟現據閩省督臣咨會令遊擊張起雲等將所剩買米銀兩借貯蘓州藩庫咨內稱閩省米價漸平江南之米可以停買等語則是閩省動帑買米已停其江南採買矣乃近日閩商仍復接踵來蘓齎領督撫咨文接買江廣之米臣查蘓州地狹民稠產米無多即係豐收

亦資江廣之米以敷食用今閩省已經搬運三萬餘石之多若復接踵而至必致蘓州米價高昂小民艱食臣已咨覆閩省督撫請飭各商販前赴江廣產米地方採買如值江廣來蘓之米果多仍可
在蘓接買如此則彼此通融實屬兩濟為此繕摺具

奏伏乞

皇上睿鑒謹

奏

閩省情形朕再無不洞悉之理汝但不存彼此之見酌中通融相機料理為是耳所奏知道了

雍正五年四月二十六日蘓州巡撫臣陳時夏謹
奏為欽奉

上諭事雍正五年四月十六日接到內閣大學士行文
內開桃源縣監犯張二金棍等劫獄脫逃一案欽
奉

諭旨務令設法擒獲不得容其漏網欽遵寄信等因到
臣臣查此案人犯張二金棍等皆係弟兄子姪臣
經飭緝密訪各犯潛逃在河南裕州捕役吳六家
輾轉藏匿正在添差懸賞嚴拏今奉

上諭臣又密行多選幹練捕壯星往河南設法擒拏又
移咨河南撫臣田文鏡協力密拏務期必獲臣斷
不敢稍有疎懈俟獲日另行

題報謹

奏

甚好如果逃匿豫省田文鏡自必協力密飭緝拏也

同日又

奏為密奏事竊查嘉定縣知縣朱爾介臣以其才能
幹練具疏

題補在案不意該令抵任未及一月嗜酒任性近因
煮粥賑饑撥到吳縣存倉陳米煮粥不稠署吳縣
知縣李玫著令冊書經承糶易新米未免其中虧

折朱令查數缺少以為侵蝕責令賠償嚴刑疊夾
冊書葉方衍當時夾斃經承顧景越九日斃命臣
訪知確實傳該令面飭俯首無辭臣以胥役舞弊
者多不便據此

題叅以長奸弊但朱爾介嗜酒黷刑已屬溺職實係
誤行臣保題亦何罪之有朕執生殺予奪之柄尚有閔不

畏死之徒敢為負恩欺罔之事者何況鄉等乎但不袒

題之員難辭冒昧之罪若臣不以實

護欺飾則有功而無過凡封疆大吏咸能照此秉公糾

奏則欺飾狗庇之罪為更重矣謹先具摺密

察天下大安大治矣朕甚嘉之朱爾介此事雖少近酷

猶屬為公但不知其嗜酒光景若何耳如可容其改過

諭旨遵行又蘓松糧道楊本植前有領解部餉掛平銀

幹員可惜汝當斟酌其可否而為之設欲寬之將朕恩

旨傳諭伊知或從此感奮做一好官亦未可定如下愚

不移爾泰議將雍正二三年各屬俸工銀五千兩移

道提解抵補掛欠在案臣查俸工一項久奉

諭旨不得動用豈宜移解抵銷現今嚴飭楊本植速行

是則是但此項掛欠原當公補止著落一人稍屬冤抑

當酌量伊力能與不能料理可也

奏請

旨題叅合併

奏明謹

奏

覽

同日又

奏為據實密奏事竊查陳沂震貪婪悖謬上負

國恩蒙

皇上不加重典令於江南水利出資財一二十萬兩為

此等應奏實與公事有益者前摺所奏數事殊有未協
地方辦理公事今據呈先繳現銀四萬四千餘兩
一者為數幾何二者事又不確假若朕不令詳察遽准
現飭提貯司庫其十五萬五千餘兩自限六個月
汝行豈不大招物議耶聞李淑德在彼生事甚不安靜
汝為完繳臣當照限催促業經會同副都統臣李淑德
具奏未奏朕知當訪明確據奏聞今已調伊回京矣

題在案又革職員外郎鄭玉珩致死匠作邱義二一
案緣義二包造花園玉珩短少工價義二以各行
欠賬催促縊死審無致死別情仍擬玉珩威逼重
杖今據玉珩之母仲氏為子贖罪願於水利捐銀

具本題奏

二萬兩具呈前來臣不敢壅於上

聞又商人黃光德之子黃履暹被誣毆父毆師一案經

臣確訪研訊實係無賴趙五訛言捏首賈崑等刊

何如

朕諭果不謬否知此則當虛心勿恃已見也凡接

朕之訓諭

若能心悅誠服實力奉行料不至於大錯倘

皇上硃批

貧之嫉富賤之妬貴

於中意見不同未即首肯另有確知處君臣之間即當

聖鑒至明絲毫不爽者也今將違例刻揭之犯究擬外

分析剖露彼此再加斟酌切毋陽奉陰違退有後言如

此一德一心何事不能辦集耶勉之

利工程之用懇請復還貢生其案內不應罪犯史

願捐贖罪者總歸一事題來黃履運既審係誣告別理
應間復貢生何得又收其捐項此捐甚無謂誣告得白
則謝恩審若情實又贖罪與論將以為何如耶
不敢不據實密

奏以上二案俱應

各

歸本案亦可

題覆之案應否將各捐贖罪銀兩仍歸本案具

題聽候部議臣不敢擅便先具密摺請

旨遵行又黃光德恭逢

皇上興修水利

恩溥江南具呈情願捐銀八萬兩以助水利公費此係
此事不必經管殊闕汝之聲名如果捐助出於情願令

光德感戴

伊向鹽臣處具呈方合

聖恩急公効力似應另疏具

題謹先密

奏伏候

此外有情願急公者另奏如陳沂震之惡紳向日焚賊
諭旨遵行又蘓松紳衿富室尚有願捐水利之人俟其
不法今休致家居及盤剝小民而致富之土豪似此為
具呈另行密

富不仁之人坐擁厚貲而不急工者諭令出力助公亦
奏目今婁江工程告竣臣赴工查勘紳衿士庶頂香

合於天理人情之快舉也當留心確查朕亦密訪如有
叩謝此等者另摺叙其原委奏聞
皇恩懇臣代

題理合併

奏伏祈

睿鑒謹

奏

覽

雍正五年六月初四日蘓州巡撫臣陳時夏謹

奏為臣母恭沐

天恩平安到署微臣感激難名涕泣奏

謝事雍正五年五月二十六日臣會同

欽差河臣督臣等查勘朱家口等處淤地舟次淮安清

河口地方接得家書內開臣母特蒙

皇上隆恩

眷念衰老

鄂爾泰非常常具臣可比實為朕之賢良股肱內外大
頒諭雲南督臣鄂爾泰差官一路用心照看好好送至

臣中第一人也等當破法之即如為卿母回奏此摺
使可知其純誠特發來與爾看密之
諭旨各送銀一千兩於三月十九日起身來南等因到

臣臣隨恭設香案望

闕叩頭謝

恩跪讀

聖諭不勝感激伏地涕泣不能自己竊思臣之一身受
皇上如許厚恩無以仰報於萬一乃臣母復蒙
聖衷垂念更邀曠古難逢之

盛典

榮施至極臣分何安臣此生即捐糜頂踵粉骨碎身何
卿之感激不待奏謝可知朕早鑒卿之至誠矣
足云報舉筆泣涕莫盡臣懷正在繕摺奏

謝五月二十八日又蒙

皇上頒賜臣母人參四封

恩諭為高年人藥餌之需臣跪接叩頭祇領泣感

隆恩稠疊無以復加即生生世世為犬馬亦圖報不能

盡也聞臣母一路康健倍常已於五月二十六日

甚好彈心竭力孝養數年可也
進署臣俟會勘事竣恭捧回署扶臣母望

闕叩頭恭領另將疊受

皇恩情由具本奏

謝臣謹先繕摺叩謝

天恩伏乞

聖明垂鑒臣不勝激切悚惶之至謹

奏

朕忻悅覽之自滇省奏聞卿母起程直至閱卿此奏朕

每不能不繫諸懷抱今聞平安抵蘓心方釋然矣此實
出朕至誠誑詞市惠邀人感譽之事朕殊恥而不為何
也斯舉不止為施恩於卿一人已也將年已八旬封疆
大臣之母朕特旨令其跋涉數千里倘道塗之中少有
不虞實關朕之顏面今如此順適如意乃

上蒼作成好事朕甚感慶焉此須微物聊賜卿母為添壽
之意耳

今訪聞得揚州府知府呂大雲於鄭王珩家縊

傷人命案內要商人李益茂銀二千兩免其到
案牽連知府用人衙役戴鴻升得銀二百兩呂
大雲署理揚關有書辦叅費除二百四十兩歸
公外每名要銀一百二十兩又生日門生送禮
收玉杯玉壺等物又訪聞得江都縣知縣張有
觀去年承追鹽商贖罪銀兩時得程公益銀六
百兩吳敦厚銀四百八十兩吳雨山銀二百兩
知縣用人衙役徐檜得銀二百兩知府衙役戴

鴻升知縣衙役徐檜諸凡差使招搖作惡勒索要錢

將此二事密訪的實如果事有確據張有觀之罪或猶可姑寬而呂大雲如此負恩自棄罪更不可追矣亟當嚴行叅奏

同日又

奏為據實回奏事蒙

賜發摺單內開揚州府知府呂大雲於鄭玉珩縊傷人

命案內要商人李茂益銀二千兩免其到案并收
門生玉杯玉壺等因臣查鄭玉珩案內並無商人
李茂益之名容臣細加密訪呂大雲如果有如此
婪贓納賄之事實係負

恩貪劣之員罪不容逭臣當立即嚴叅至府役戴鴻升
經布政司張坦麟到任之始即同江都縣衙役徐
檜一並訪拿發該府縣枷示其得贓生事之處容

臣
查察具

奏惟是關上書役叅費一項原係相沿舊規五月初

間呂大雲送

臣

關上規禮內有叅吏四名每名公

費銀二百四十兩即係此項現繳

臣

處收存臣蒙

皇上隆恩不敢存私隱匿凡係

臣

衙門應得之項俱親

手封貯俟歲底摺奏請

旨定奪至呂大雲

臣

訪其官聲頗好試其辦事能幹在

上司前應對明白尤慙直不拘小節

臣

每容之其

為人殊少謙遜之容多招尤怨

臣

惟取其辦事實

心如關上收稅實係儘收儘解今未至半年而額數已足下半年所入皆是贏餘比之趙宏本尤勝查江蘓知府有才有守實心辦事者惟揚州府知府呂大雲淮安府知府劉之頊松江府知府周中鉉常州府知府包括四員臣所深信鎮江府知府毛德琦雖到任未久其才守亦可深信乞

皇上容臣回署將呂大雲有無劣蹟之處細加察查據實密

奏請

旨至江都縣知縣張有觀所得程公益等銀兩與衙役

徐檜詐賊之事

臣

一并密加訪查果有實據即具

必得

實據

而後

可行

朕

原

係風聞

題叅謹據實先行密

覆伏乞

聖主睿鑒謹

奏

朕料呂大雲不敢負朕亦不忍負朕伊年尚少日後功

名不可量亦不當如此自暴自棄也但朕聽政五年以來儘有福薄小人天奪其魄如隆科多年羹堯傳鵠蔡珽等尚有不可勝數之輩實出人意想之外者所以朕竟不敢以人心天理而槩為憑信也用人之難用人之苦至矣極矣可為痛哭流涕者實莫過於此也呂大雲果肯如此實心學好則當惜而玉成之趙宏本原係庸材劉之頊實好周中鉉聞亦甚好恐有沽名之疵包括不過老成忠厚耳中材也

深信二字不可亦何必乃爾若過於深信必受深欺今日只講今日後日再看一事只論一事他事再言不宜預存疑信之見於胸中蓋過信則不防其改操深疑必不容人改過均非時中之理也魯論云不逆詐亦當不逆不詐爾等封疆大吏既不欺朕又不被人所欺朕則無憂矣不被欺之道惟不深信一句而已如隆科多等朕若過於深信未必能如此一旦覺察也勉之勉之切記切記

同日又

奏為據實奏

聞仰祈

睿鑒事竊查副都統李淑德到工臣留意看其為人畧
喜浮華而查勘河道大量估計却亦慎密近日接
到家眷聞其置買婢僕四人但工上錢糧不經伊
手亦別無生事乖張作福作威之處察無實據是
以未經奏

聞鄭玉珩黃履暹二案臣酌將該犯情願捐銀贖罪各
於本案內聲明其各犯捐贖銀數總歸一本具

題合先

是

奏明至黃履暹受誣應復貢生免其捐銀并商人黃
光德助公之項

聖諭著歸鹽臣仰見

理應如是

聖主至公至正臣不勝心悅誠服之至又嘉定縣知縣

朱爾介人本明白但因嗜酒濫刑前經摺奏今蒙

恩諭容臣回蕪特將

改過與否極易察訪伊能止飲即屬改矣

恩旨面諭必能痛自懲創改過自新再觀後効另具奏

聞蕪松糧道楊本植所欠部餉掛平一項臣經

面問情願立限完補仰荷

掛平小事白糧八十餘萬石須費一番籌畫也

恩批

臣當察其力量斟酌彌補另

奏臣前摺

奏照直隸河南等省之例將江南耗羨歸公一事臣

行司通查據布政司漆紹文稟稱江南火耗有數

而公事繁重公捐甚多以為未便且恐其所查之
數尚有隱漏難於即行是以再加細察稍遲時日
兼又值漆紹文丁憂以致因循今臣與張坦麟正
在細加確核必期斟酌萬安是否行之有益無弊

另容備細密

此事料理少不妥協朕不便訓諭蓋朕無代卿等任怨
奏請

之理詳審為之可也

旨臣查江蘇士民仰見我

皇上躬行節儉務本重農又蒙疊沛
江蘇百姓若不感戴豈比木石無知耶

洪恩教養無至莫不殷殷向化近來蘓俗浮靡之風漸
每有人論汝少覺不識大體蓋緣胸存此等瑣屑見識
之故耳似此謀生術業只可勸導令其醒悟萬不可繩
之以法假若少違民情則近迂濶一迂必致不通不
必不能行之永久也戲子狂童游手好閒之輩妨民之
小者也盜賊光棍惡衿劣紳貪官汚吏壞風俗害人心
妨民之大者也捨大而圖小治易而不治難不特失
輕重之本末之宜亦且無益夫為政必先將大者難者徹
地方棍徒向有包攬舊欠錢糧之人今各縣清查

底整飭料理賄賂行有餘力然後及此瓊屑之事衆心
積逋照分數徵比有震澤縣民楊先聲等包侵舊
方始悅服孟子云一夫不獲若已推而納之溝中即如
僧道街士下至俳優之流皆以技謀生習為木業責令
改業必不能從而亦可不令其改也尚可容也若盜
賊棍徒生之業豈可一日姑容乎此相較則輕重
本末瞭然見矣此奏朕不深以為然前鄂爾泰在蘓有
為酒船一奏朕亦似此訓誨批諭既身為大臣當務重
大蓋人之心力皆有限量務於大者則畧小務於小者
奏嚴禁奸販多買漁利民情甚安地方寧靜合併

聞伏乞必通大此自然之理也朕之所望於汝者寧畧小而毋遺大也勉之思之
睿鑒謹

奏

據奏米價不但爾江蘇一省直省米價皆昂湖廣亦長至一兩外矣乙巳丙午二年不得謂為歉歲朕意各省實因買補倉儲之所致耳朕於此一則以憂一則以喜
同日又

奏為奏

聞事竊五月十四日接到部文內開

上諭劉河白茆二河為歸海要道必須徑直深廣令水暢出為一勞永逸之計恐有紳衿土豪佔種地畝請別開支河另開新道或稍徇情面使積水不能暢出漸至壅塞則汝等罪不可逭矣等因欽此臣等仰體聖衷查勘濬河皆由故道務必深廣直流歸江入海不

如是致日後淤塞倘有紳衿惡棍從前佔種務必清出
方好秉公竭力為之但將科目人等佔種之地能
斷不姑容另開別道倘敢阻撓定行叅處決不敢

一一清出不為瞻顧其餘朕皆信得及汝
稍有徇情以負

皇上愛養黎元之至意也臣前

奏原任松江府通判祖秉震等五員自備盤費在水
利効力已蒙

俞允查通判祖秉震因雍正三年押運漕糧進京曾蒙

此人朕引不復記憶矣佐貳等員引見時如為朕所賞鑒
見緣回空糧船被燬經漕臣
者不即擢用必加以獎勵諭令爾等留心試用似此仍
題參降調在案其時秉震在通候領回文而糧船在

發回本任者大約不過中平之材耳雖然朕偶一見途毀壞睽遠不能無顧實係因公呈誤臣知祖秉亦不敢保無當面錯過者人材難得伊果踴躍効力即當破格惜之但宜防其既竊優好之評過後改易操行須時考驗以信其始終不渝而遂不加訪察也工程是以未行給咨臣思聞座緊要况總屬

朝廷公事請將祖秉震留工或俟水利告成再行

題補或遇有緊要相當缺出容臣

題補在工可也應題補時另行具本奏來
題補庶地方得人公事有益謹密奏請

旨又運閩米十萬石已經配船裝運分作七次起運五

月十四日領運官遊擊李燕具報全行運闔訖除
用過水脚等項另行確核題


奏外合并奏

聞伏乞

皇上睿鑒謹

奏

覽



硃批諭旨卷十一上